

Keistimewaan beri galakan ibu bapa buat simpanan

Rebut peluang insentif cukai pendapatan

Oleh NURUL IZZATI ZAINI

PETALING JAYA – Pendeposit Skim Simpanan Pendidikan Nasional (Simpan SSPN) disaran supaya merebut peluang insentif pelepasan taksiran cukai pendapatan yang dilanjutkan sehingga 2024.

Pengerusi Perbadanan Tabung Pendidikan Tinggi Nasional (PTPTN), Datuk Norliza Abdul Rahim berkata, pelepasan taksiran cukai pendapatan ke atas simpanan bersih sehingga RM8,000 setahun merupakan insentif yang istimewa ditawarkan kepada pendeposit.

Menurutnya, manfaat tersebut menjadikan Simpan SSPN satu-satunya produk simpanan yang memberikan kelebihan berbeza berbanding simpanan lain.

“Saya mengucapkan terima kasih dan merakamkan penghargaan kepada pihak kerajaan kerana melanjutkan insentif pelepasan taksiran cukai pendapatan ke atas simpanan melalui Simpan SSPN sehingga tahun 2024.

“Saya optimis insentif ini akan meningkatkan motivasi serta galakan kepada ibu bapa untuk terus membuat simpanan bagi tujuan pendidikan dan masa depan anak-anak sekali gus mengurangkan kebergantungan kepada pinjaman PTPTN,” katanya dalam kenyataan di sini semalam.

Tambahnya, masyarakat Malaysia perlu mengambil peluang membuat simpanan melalui Simpan SSPN yang menawarkan pel-



INSENTIF pelepasan taksiran cukai pendapatan Simpan SSPN dilanjutkan sehingga tahun depan.

bagai keistimewaan dan manfaat kepada pendeposit.

“Ibu bapa yang ingin membuka atau membuat penambahan simpanan boleh dilakukan secara dalam talian melalui aplikasi myPTPTN dengan lebih mudah, cepat dan selamat,” ujarnya.

Beliau berkata, sejak Simpan SSPN dilancarkan, sambutan yang diterima amat positif dan sehingga 31 Mei lalu, jumlah deposit Simpan SSPN sebanyak RM15.28 bilion melibatkan se-

banyak 5.92 juta akaun telah direkodkan.

Pada Mac lalu, Perdana Menteri, Datuk Seri Anwar Ibrahim yang juga Menteri Kewangan telah mengumumkan insentif pelepasan taksiran cukai pendapatan Simpan SSPN dilanjutkan sehingga tahun depan.

Dengan pengumuman tersebut, pendeposit Simpan SSPN akan terus dapat menikmati keistimewaan ini disamping manfaat lain yang disediakan.